



1611_018r.jpg




1611_204v.jpg



Premiere continuation

1611. berceau, à la plume, au duvet vne ieunesse qui
 promettoit beaucoup, les ont enforcelez de
 leur puante haleine, ainsi qu'une broüee qui
 ternist de son halle le teint & le lustre des per-
 les, ont esté les moyens aux plus lettrez de pa-
 roistre en public, & se faire cognoistre, il n'y
 auoit que l'Vniuersité de Paris qui seruit de re-
 traite & de lieu de franchise, pour la distribuer
 à tous venans leur grand sçauoir, & faire le
 partage de leurs belles vertus : mais voyants
 qu'elle estoit comme vn rocher qui arrestoit
 le cours de leurs vaisseaux, (rocher où viennent
 eschouer les escueils qui la chocquent) brac-
 quent tous leurs canons, pointent tous les en-
 gins de leur batterie de ce costé, s'estiment trop
 heureux, si nous faisant accroire qu'ils nous
 veulent sauuer, nous conseruer, faire bande
 avec nous, accablent toutesfois nos veilles &
 nos labeurs d'un tourbillon d'enuie, de haine &
 de rancœur; s'ils contraignent vne fois ceste
 Princeesse des Vniuersitez à venir demander
 l'aumosne, comme vne pauvre gueuse, aux
 portes de Clermont, tirer de leurs finances,
 gages & salaires pour nourrir ses enfans; ô
 honte de nos siecles! que tu es miserable pau-
 vre Vniuersité! qui autresfois remplie d'une
 fourmilere d'escoliers, te faisois admirer aux
 nations du monde, qui autresfois de si large
 estenduë te faisois respecter; toy, qui par ta
 vertu, doctrine & autorité, estonnois tous les
 peuples; que tu es fortunee d'estre ainsi le
 jouët, non pas du temps, non pas de la fortune,

1611_087r.jpg



1611_273v.jpg

Premiere continuation

1611.

*Rencontre
des Turcs &
Florentins.*


Rengees en ordre elles vindrent attaquer de furie & de fort pres le General Beauregard, lequel comme vieux Capitaine de mer les attendoit en bonne deuotion, sans faire tirer son canon : de sorte, que les voyans bien proches, il leur fit vne salve de canonnades qui dura environ vne heure, pendant laquelle on eust dit que ses galions estoient tous en feu, ce qui refroidit fort les Turcs, car ils ne croyoient pas entendre vne si belle musique.

*Cinq Galeres
Turques mises
à fond.**L'armee des
Turcs se sau-
ue à Famagouste.*

Le Bacha Moustafa Grego, General des Galeres Turques, ayant senty la batterie si furieuse des Florentins, fit retirer ses Galeres hors la portee du canon, là où il resolut de donner encore quelques assauts aux Galions Chrestiens, & que la moitié de ses Galeres iroit attaquer, cependant que l'autre se prepareroit au combat. Les ayant donc my-parties en deux, elles vindrent l'une apres l'autre à l'assaut, lequel ayant duré l'espace de six heures sans venir à bord, & cinq Galeres des Turcs nonobstant toute leur deffence mise à fond, & tous ceux qui estoient dedans noyez, le vent se changea tout à vn coup à la faueur des Florentins : Ce que recognoissant le General Beau-regard commanda de chasser tousiours sur les Turcs, lesquels commencerent lors à fuir à force de voile & de rame : de sorte, qu'ils se sauuerent dedans le havre de Famagouste forteresse capitale de Chypre.

Le General Beauregard voyant son dessein d'entreprendre sur la Carauanne rompu, reprit

1611_146r.jpg



du Mercure François. 146

etes, puis que c'estoit au nom de Dieu, par la vertu & pouuoir qu'il leur en auoit donné, le marquant de son cachet, *In nomine meo demonia ejciant linguis loquentur nobis, &c.* Mais qu'Ignace avec son nom escrit en papier, face plus de miracles que Moysse, & autant que les Apostres: que son signet aye tant d'autorité sur les creatures qu'elles luy obeyssent soudain, c'est ce qui lenous rend grandement admirable.

Le second, page 91. de la mesme Predication. Tandis qu'ignace viuoit, sa vie & ses mœurs estoient si graues, si saintes, & si releuees, mesme en l'opinion du ciel, qu'il n'y auoit que les Papes, comme S. Pierre, les Imperatrices comme la Mere de Dieu, quelque souuerain Monarque comme Dieule Pere & son saint Fils, qui eussent le bien de la voir.

Le troisieme est en la Predication de F. Pierre Deza, page 111. & 112. Sans doute les autres fondateurs des Ordres Religieux furent enuoyez en faueur de l'Eglise, &c. *Nouissime autem diebus istis loquutus est nobis in filio Ignatio, quem constituit heredem vniuersorum, & auquel il ne manque autre poinct de louange, que per quem fecit & secula.*

Le quatrieme est la Predication de Frere Jacques Rebullo, page 207. Le Martyr Ignace portoit vne tant particuliere affection au S. Pere & Pape de Rome, comme au legitime successeur de Iesus-Christ, & son Vicaire en terre.

Laquelle supplication & proposition entendüe, & les quatre articles cy-dessus estans meurement & sagement considere; La Faculte ayant esgard que des paroles

T c ij

1611_087v.jpg

Premiere continuation

1611. sçeuës en la Court; mesmes on fit aussi-tost sous le nom de Monsieur de Sully vne seconde Remonstration assez grande, mais estant trop hardie, plusieurs eurent opinion qu'elle estoit inuentee à plaisir, ou faicte par ses ennemis. Bref ces deux actes cy-dessus de l'Assemblée furent l'occasion de beaucoup d'escrits, comme il sera rapporté cy apres.


*En liure de
Turquet, des-
fends.*

Car en ce mesme temps aussi Mayerne dit Turquet, (de ladite Religion) auoit faict imprimer à Paris vn liure assez gros, où il faisoit des discours assez legers, Que les enfans & les femmes ne deuoient estre admis au gouuernement & en la Regence des Royaumes, & beaucoup d'autres maximes tirees mal à propos pour le temps, lequel liure fut saisi, confisqué & estroitement deffendu; mais la Royne ne voulut, par sa bonté, que l'auteur en eust d'autre peine.

*Esmotion à
l'enterremēt
d'un enfant,
d'un de la
Religion pre.
Et de la lu-
stice qui en
fut faicte à
Paris.*

Et il n'y eut point de pardon pour ceux qui s'estoiēt trouuez en vne esmotion le iour de la Trinité à l'enterrement d'un petit enfant, dans le cimetiere mesmes de la Trinité: lequel enfant appartenoit à vn de ladite Religion. Les iours sont grands en ce temps là; Vn peu plus tost que l'ordinaire, & estant encor grand iour, deux Archers du guet menoient le conuoy, le garçon d'un Vinaigrier leur commence à ietter des pierres; plusieurs l'imitent, & son maistre mesmes: on n'eut respect aux Archers, ny à ce qu'ils disoient: le tumulte fut vn peu grand, où vn des Archers fut blessé, & quel-

1611_205r.jpg



du Mercure François.


205

1611.

non pas des destinees, mais de tels Peres, & à la
veüe du ciel & de la terre. Ha, Messieurs!
ha François! ha Paris! les pouuez-vous bien
voir? les pouuez-vous endurer? pouuez-vous
porter l'espaule, ou poulser à la rouë de leurs
commencements.

S'il est besoin de remettre les lettres, qu'on
les remette, mais sans bleffer nos reputations;
s'il est besoin de redonner vie & vigueur aux
Muses, qu'on leur redonne, mais non pas à la
honte, & aux despens des François. C'est à
vous, Messieurs, qu'appartiennent ces chefs-
d'œuvres, acceptez-les; c'est pour vous ceste
gloire, & ce tiltre d'honneur, mais vous Pari-
siens reservez ceste grace à vostre chere ville.
Quoy? vostre Vniuersité recommandable pour
son antiquité, & admirable en sa police, & re-
glement bien compassé de ses classes nombreu-
ses, venerable & celebre en ses temples sacrez,
qui regorgent d'hommes tres-accomplis, &
qui n'ignorent rien; n'est elle pas capable, &
digne de telle charge? dictes-moy donc, où
est ce, ie vous prie, que la mer des sciences avec
son flux & reflux, peut courir plus à l'aise &
plus commodément, peut mieux tourner en
rond, & desuelopper ses ondes qu'en ce grand
Ocean de l'Vniuersité, sur l'eschine duquel tant
de grands personnages cinglans à pleines voi-
les, nous charient les riches marchandises de
leurs doctrines, pour en faire trafic & com-
merce par tous les coins du monde au grand
bien de la France.

1611_146v.jpg



1611_274r.jpg




Image issue du site mercurefrancois.ehess.fr - Cliché (c) Cécile Soudan